

四庫全書

史部

欽定四庫全書

史部

硃批諭旨卷一百五十四

臣 永瑤 恭 校

編 修 臣 裴 謙 覆 勘

總校官中書 臣 朱 鈐

校對官中書 臣 徐步雲

謄錄監生 臣 官懋弼

欽定四庫全書

御批諭旨卷一百五十

御批鄂禮奏摺

雍正六年八月初二日郎中臣鄂禮謹

奏為請

旨事竊臣一介庸愚荷蒙

聖恩命往江南協理水利事務自抵蘇以來日夜冰兢
前吳淞江陳家渡堵築決壩之時臣因在七浦徐

六涇福山塘等工監催督浚未在此處但奉

聖旨令

臣

與陳世倌一同

辨事何敢

推諉乃蒙

此事與爾無涉若實有過豈輕寬恕耶

聖主格外洪慈不加之罪

臣

自揣何人受此

殊遇從此若不更加奮勉竭盡駑駘以圖仰報

高深於萬一即叨蒙

聖恩寬宥不加譴責亦必默受冥誅實狗彘不食其餘

有何面目見臣父於地下也所有吳淞江東段未

完工程前經河臣齊蘇勒前往相度機宜用混江

龍拖刷河底業已深通又令臣等率領效力人員
清理兩岸今皆如式告竣是從前題報應修各河
皆已完工惟有吳淞閘劉河之天妃閘并徐六涇
閘此三處閘座尚未興修現今會同河臣齊蘇勒
署撫臣張坦麟等料估造冊具

題但修建閘座必俟農隙水涸之時方可施工臣今
在此竝無辦理之事且

陛辭出京一年有餘犬馬戀

主之心感懷夙夜仰懇
不必來京往返道途徒勞無益
天恩准臣暫且進京瞻仰

天顏恭請

聖訓再回蘇監修閘工庶小臣之微悃得伸而於閘工
亦不至遲誤為此具摺請

旨謹

奏

覽

雍正七年閏七月二十六日郎中臣鄂禮謹

奏為恭謝

天恩事雍正七年七月二十九日接准蘇州布政司咨
稱貴部郎養廉一項已經奏明奉

旨俞允今將雍正七年春夏二季養廉銀五百兩差官
移送等因到臣隨望

闕叩頭謝

恩照數領受訖竊念臣一介庸愚荷蒙

聖主隆恩命理江南水利二年以來涓埃未效前蒙

聖慈憫臣未育子嗣

恩准接取家眷今又念臣艱於資斧

賞給養廉

曠典疊頒體恤周到實非微臣一身所能上報倘得延

有嗣息子子孫孫所當永效馳驅以答

覽悉

高厚者也至臣督浚淮揚二府河道先浚江儀二邑槐

子烏塔二河及泰如二處運河并泰州興化界內

丁溪小海青龍海河三道皆已如式挑竣驗明收
工其續浚諸河總俟農隙興工完竣一併會疏題
報外但臣在工既久周歷各河有一二處尚須斟酌者請為我

皇上敬陳之如泰州新城鎮至東臺一百二十里原估
北岸築堤以為鹽艘輓運繹路臣於正月履勘水
尚瀰漫東西大泊一半不露岸脚似應築堤分別
湖河以資輓運今自海河開通河水東洩之後積

水盡消支河港汊畢露周察情形計通河自臨潼至東臺六十里兩岸頗高無容築堤自新城至臨潼六十里河濶泥淤無從取土東西皆係大泊即使堤成風水衝擊工難堅久且支港凡六十條悉資灌溉遇西水大至之年藉以宣洩如橫亘一堤流洩不暢泰興諸處必受其害且從來鹽艘經由竝無傾覆過壩應掣竝無遲誤詢之居民咸云此堤不築為便原估銀六萬餘兩即可移浚別處要

工又泰州境內自富安場至海安鎮徐家壩三十里為各場通津今河道淤淺鹽艘不行民田乾涸應增估挑浚寬深則興泰各場鹽運即可竟至徐家壩盤壩入如臯運河於風水盛大之時可以不走新城臨潼諸大泊至為妥便而三十餘里兩岸民田得資灌溉誠商民交利之工也又如臯丁堰鎮至白蒲三十里為通如運道從前上游河道未開尚不覺其淤淺今自泰州之高橋起至丁堰止

一律開浚深通則白蒲三十里比上下河道地勢稍高舟船往來每至阻滯亦應一律開深五尺庶民船運艘均獲利便又如皋丁堰至岔河由岔河北至壩鎮再東北至豐利場又由岔河而東經馬塘場至掘港場共計程一百二十里為上十場鹽艘必由之道現在淤淺間露河底合行開浚又鹽城縣所屬之串場河七十里前以產鹽無多未議開浚細加訪察鹽城各竈產鹽固多因河道淤淺

搬運維艱是以官商買出者少而鹽梟私販者多
今查勘河水深不過二三尺亦應一律開通以濟
鹽艘行運又江都縣所屬徐家涵一口北接邵伯
金灣各壩之水南承灣頭閘人字河諸水自西而
東之咽喉向防貨船私過修建木涵洞隔斷故農
商來往至此必須盤剝過船甚為不便且西水大
至木涵亦阻木勢臣細加相度宜建單金門石閘
一座閘上派員看守按時啓閉既可盤察私販又

可便利行舟且水勢無阻與上下河道均有裨益
抑臣更有請者揚州水利五塘為要五塘之復建
閘為先今雖開浚槐子河烏塔溝引水入塘不過
塘內田地得資灌溉與塘上高田終無裨益且揚
州穀產專賴西北二鄉諺云西山熟揚州足而西
北地勢高昂專藉五塘之水以資灌溉是五塘一
復則西北兩鄉數十萬畝之民田得以均沾樂利
夫復五塘則建閘築堤設夫三事闕一不可蓋閘

不建則塘不能復堤不築則閘亦虛存夫不設則
姦宄私行挖決堤不終保通計三事需費不須萬
金便可寬然有餘而西北民田獲益無窮以上數
則仰祈

聖鑒敕下督撫河道諸臣詳勘妥議題覆實力奉行庶
於商民均有裨益矣謹

奏

所奏開浚建閘數則朕命該督撫與爾會同查議具奏

亦無拘泥已見涉於膠固但就理之長處秉公確計辦理可也

雍正七年十一月十六日郎中

臣鄂禮謹

奏為據實奏

聞事雍正七年十一月初十日接准江南河道總督孔毓珣移會工部咨文內開原任山東巡撫陳世倌叅奏江南水利效力候選知縣文鐸褚菊書原委監修閘座全不上緊料理一味奔競鑽營署事請

將文鐸褚菊書革去職銜停其委署等因具奏奉
旨著照陳世倌所請將文鐸褚菊書革去職銜停其委
署專令督催閘工俟工完之日總河具題請旨若仍
復怠玩貽誤即行題叅從重治罪欽此轉行知照前
來伏查修建吳淞劉河等閘經工部議覆令該撫
估冊具題去歲十一月內挑選督修海塘人員時
臣等以吳淞等閘將來修建之時不可無諳練之
員監督修理故與陳世倌同撫臣尹繼善選留候

補知府徐成棟候選知縣文鐸褚菊書以備監修
開工撫臣尹繼善又以江南地方官員多於閘工
不諳隨同委徐成棟會同該地方官料估造冊移
送前河臣齊蘇勒將應用木石等物核定其物料
價值以江南江北不同發回該撫衙門轉交該地
方官按依時價確核而地方官所定價值多有不
符經尹繼善屢駁核減後因署撫屢更往返商酌
多需時日尚未估計具題是閘工需用錢糧尚未

題定承修官尚未領帑辦料監工之員從何料理
陳世倌奏稱文鐸褚菊書全不上緊料理一味奔
競甚為屈抑且文鐸褚菊書在水利效力二年有
餘凡有差委無不竭盡心力勤慎辦理平昔安靜
守分不敢妄為實效力人員中之最優者即督撫
臣范時繹尹繼善彭維新等亦素所悉知仰懇

聖恩敕下督撫諸臣將文鐸褚菊書二員有無不實心
不安分奔競鑽營之處據實詳查則臣言之謬與

不謬陳世倌叅奏之實與不實自可昭然灼見矣
臣因身在工次深知二員情事屈抑冒昧陳奏伏
乞

皇上睿鑒施行謹

奏

所奏甚屬可嘉候朕另降諭旨

雍正七年十二月二十七日郎中臣鄂禮謹

奏為恭謝

天恩事雍正七年十二月十九日臣齋摺家人敬捧

御賜哈密瓜抵工臣隨恭設香案望

闕叩頭謝

恩訖跪啓摺封荷蒙

硃批嘉獎臣伏讀之下感激惶悚莫可名言前者臣胞
兄鄂爾泰少效微勞叨蒙

聖主格外隆恩

特加少保復

恩及先世將臣曾祖祖父俱照總督加內大臣兵部尚書職銜給與一品

封誥并將臣曾祖圖捫與祀昭忠寺牌位改書新贈之銜入於大臣之列捧讀

聖諭不勝感激涕零伏念臣曾祖效忠於百餘年之前今蒙我

皇上追贈於百餘年之後三代加封一門增慶榮在祖父光及子孫不獨爾泰一身感戴靡涯凡為後者

稍有人心若不夙夜惕厲各竭精誠或少有一毫
瞻顧一毫退縮不可以對

君父即不可以對祖宗不可以對兄長即不可以對天
下萬世臣在諸兄弟中雖至庸懦亦頗具心肝從
此願益加策勵同心效法仰體我

皇上大公至正之心以矢微臣竭忠盡誠之志不致貽
玷先人正所以仰酬

聖主為此繕摺恭謝

天恩曷勝懼忤頂感之至謹

奏

勉之但能聽受汝兄鄂爾泰之教訓則為入之道為臣之道皆有所矜式也然為善最難思齊匪易其本體猶堪勉倣若其用處乃關天資學問非朝夕可強能者能於本體處竭力不已庶幾其用漸臻從外逐事倣學則誤矣

同日又

奏為奏

聞事竊照先經署督臣范時繹等原題估淮揚所屬應
浚河道共十一處內江都縣所屬之槐子河儀徵
縣所屬之烏塔溝泰州運河如臯縣運河又海河
三道此七處河道於今年春間開浚告竣已經

奏報完工其餘四處串場河車路河海溝河界河於
九月十一日起築壩岸水俟壩工築完河水岸乾
於十月二十等日開工挑土臣等住宿河干往返

督催今各工於十二月二十日以内次第報完臣
隨偕同淮揚道白鍾山監督水利郎中程夢瑛逐
一文驗所開各河皆寬深如式河底一律坦平挑
出泥土遠送十丈以外兩岸竝無寸土堆積從此
欣悅覽焉
河道通暢商民樂利沿途男婦老幼莫不歡忻鼓
舞感頌

皇仁又丁溪海河今春勘估之時見上段河水深於下
段且以下段開浚深通當西水大發之時上段可

是

以借水勢衝刷故止將下段估計開浚而上段五千九百餘丈未入估計之內今下游開通河水東注上段畢露河底臣等細加勘驗比閘口猶高二尺有餘縱遇西水大發亦不能衝刷開通直達下游若不一律加挑閘口不能暢流終有阻於宣洩計開挑此河需費三千餘金查今歲開濬各河共節省壩工子堰銀五千餘兩即於此節省銀內動支以為開河之費不須另請錢糧理合

奏明再原估應修閘座共六處內除草堰口閘廖家
港閘俱已修建完竣其小海場閘草堰場閘青龍
閘石碇口閘亦皆釘樁鋪底而小海草堰二閘已
砌閘牆三層因時值隆冬恐砌灰灌漿結凍不乾
將來難保永遠堅固暫且停工俟春氣融和再行
僱修告竣另摺

好

奏報原任巡撫陳時夏聞得伊母患病於十一月十
二日前往蘇州省視尚未回來因不在工次未與

會銜合併聲明謹

奏

陳時夏不過備數而已其在工與否何足言及

雍正十年二月十一日管理長蘆鹽政臣鄂禮謹
奏為恭報久晴得雪仰慰

聖懷事竊以時值春耕四郊皆資雨雪跪讀

上諭實切悚惶正在諄諭屬員各宜仰體

聖心共加警惕乃於二月十一日子時驟雪至天明四

野堆積除融化外猶盈二寸有餘至巳時雪尚未止久乾之土現已沾潤仰見

聖主精誠感格

上蒼不勝歡慶理合繕摺奏

聞謹

奏

此時雪雨正為應期膏澤朕不覺以手加額欣慶之至

雍正十年五月二十日管理長蘆鹽政

臣鄂禮謹

奏為奏

聞事竊臣奉戶部劄付到臣據王慎德呈稱慎德父王
惠民懇將薊州遵化等十一州縣加引三萬道每
年納課銀一萬四千兩等因臣查王惠民原同梁
樟承辦張霖名下薊遵等八州縣引二萬一千一
百八十道又王惠民自認灤州遷安樂亭三州縣
引七千一百四十一道二共引二萬八千三百二
十一道原屬地廣引少私鹽得以乘機混入今王

惠民既請加引三萬道殊為益課利民應就原認行銷地方酌量分派至其餘各地方奉戶部劄付內開或有殷實商人可以照例增加引目之處令臣作速定議具奏臣通查長蘆殷實大商原不甚多其行銷地方有引少而不敷行銷者有引多而不免壅滯者經前鹽臣莽鵠立題明准令通融代銷將不能銷之積引通融於能銷地方截長補短踵行至今商民均便若必按地加引轉恐拘滯難

行今據衆商情愿請發餘引五萬道存貯司庫先
將地方額引領辦將銷不及額地方之引通融代
銷如額引全數通完復給發餘引行銷照數納課
統於奏銷時彙冊報部若餘引一併領完再請頒
給倘有存剩亦儘數繳部如此則不拘以地方而
易於通變不限以額數而樂於行銷矣謹先具摺
奏

聞伏乞

聖裁指示倘荷

俞允即將遵薊等州縣分派加引數目及再請餘引五萬道之處具疏

題覆謹

奏

此等奉部飭議之件徑行據情題覆可也何必又多一番煩瀆

諭鄂禮知悉近聞天津竊盜甚多武弁禁捕不力令汝

署理鎮篆當嚴加訓飭以靖此風亦併諭直督李衛矣
務須竭力整理毋使滋蔓以仰副朕旨

雍正十年十一月初七日長蘆巡鹽御史暫署天

津總兵官印務臣鄂禮謹

奏為欽奉

上諭敬繳

硃批事雍正十年十月二十八日臣家人恭捧

硃批諭旨一道到臣伏查天津地方每有報竊之家而

緝捕拏獲者甚少誠如

聖諭天津盜竊甚多武弁禁捕不力令臣凜遵

訓旨隨嚴飭將弁加意巡察併另選弁兵二十名在於
城內城外輪班查訪遇有形跡可疑之人即便根
究確實拏送有司研訊處治務期竊盜屏絕以仰

副

聖主除姦安良之至意為此繕摺奏

聞敬繳

硃批謹

奏

好力行毋怠方期有效

同日又

奏為蘆商感戴

皇恩情願量力急公事竊臣據長蘆運司彭家屏呈據
闔網商人王惠民金義查日昌和興范宗文等二
百三十二商公同呈稱商等疊蒙

皇上高厚隆恩撫恤備至歷年以來商困日甦積欠漸
補歡呼感激莫可名言惟有踴躍輸將早完課項
以圖仰報然商等雖效犬馬之力未伸螻蟻之忱
額徵引課原屬本分應完而帶徵緩徵更蒙

恩施格外現今西陲兵餉需用繁多我

皇上俯念商艱不忍稍加課額俾得寬容優裕樂業辦
公茲商等情願各量已力公捐銀十萬兩於雍正
癸丑年隨同正課交納聽候部撥以充軍需等情

轉詳到臣臣查長蘆衆商感戴

聖恩公籲捐銀十萬兩備充軍需情詞懇切臣仰體

皇上恤商之意復加獎諭察詢實皆出於至誠用敢據情繕摺具

奏如蒙

聖鑒俯允所請臣即檄行運司將前項願捐銀兩隨同
癸丑年引課一併收貯道庫報明戶部聽候撥解
為此謹

奏

該商等願捐情由應行具疏題請候朕斟酌有旨

雍正十一年二月初二日長蘆巡鹽御史暫署天

津總兵官印務臣鄂禮謹

奏為敬陳管見仰祈

聖鑒事竊查天津城守一營額設守兵四百四十六名

竝無馬糧

臣

揆設立之初意蓋謂城守營所屬祇

有城池倉庫之責毋須另為設馬但天津與他處

城守不同該營所轄尚有楊柳青北斜二汛俱係
城外汛防距津城數十餘里一切催漕護送防範
遊巡必資馬匹庶無貽誤况整飭營伍宜有勸懲
之道俾士卒各知鼓勵踴躍奮興今該營俱係守
兵即有人材壯健弓箭可觀者亦格於成例並無
上進之階似不得不斟酌變通查天津鎮標左右
二營額設馬兵共有二百五十一名請於每營抽
馬十匹共馬二十匹歸於城守營差操拔補如此

少為轉移則汛守巡防無誤士卒上進有階矣事

關更易舊章臣謹冒昧陳

奏伏祈

聖主睿鑒敕部議覆施行再照鎮標抽出馬兵即以該營步卒抵數祇須撥正糧餉不致貽誤操防合併

陳明謹

奏

該部議奏

雍正十一年三月初六日長蘆巡鹽御史暫署天

津總兵官印務

臣鄂禮謹

奏為恭報時雨大沛仰慰

聖懷事竊照天津地方自二月初二日降雪後一月以來未得雨澤亦覺稍旱農民望雨正殷臣前伏讀上諭仰見

聖主宵旰憂勤無刻不以民事為念益深戒懼共切省循今於本月初五日午未申三時先有微雨連綿

已能潤物至夜三更以後乃得大雨自子時起達旦方霽差勘郊外入地三四寸不等乾燥之土莫不均霑溝渠之中猶多積水四野歡呼萬姓感慶且適當耕藉之日尤可卜豐稔之徵臣出郊行禮親勘之下實深欣忭此皆我

皇上敬

大勤民至誠感孚之明驗也理合繕摺奏

聞謹

奏

春雨潤土如膏最為難得覽奏曷勝慰悅

雍正十一年四月初七日長蘆巡鹽御史暫署天

津總兵官印務

臣鄂禮謹

奏為奏明接交鎮篆事竊

臣荷蒙

聖恩暫署天津總兵印務前因鹽政衙門例往山東秤

掣引鹽業經

奏請將鎮篆暫委鎮標中軍遊擊孫志雄護理隨於

三月十二日起程令臣東巡事竣於四月初六日
回署據該中軍繳送印務前來適新署鎮臣宋愛
於初七日抵津臣即將印務委員齎送接受另疏
題報外所有接交鎮篆緣由理合繕摺

奏明伏祈

睿鑒謹

奏

覽奏知道了留心察訪宋愛之居心為人具奏以聞因

念伊父宋可進日前勞效所以用伊今宋可進深負朕
恩宋愛一介少年竝無報效之處若非出格忠勤殫竭
奉公豈便姑留要任

雍正十一年十月十一日長蘆巡鹽御史暫署天

津總兵官印務

臣鄂禮謹

奏為遵

旨巡察營伍事雍正十一年八月十二日奉

上諭各省營伍必須武職大員平時親身查察庶可以

除怠惰廢弛之弊提督一官節制全省統轄之地甚遠難以親身遍歷至於總兵分轄地方道里不甚遼濶巡察尚易周徧嗣後各鎮臣有應行巡察之處著先期具摺奏聞請旨候朕批示遵行不必拘定期限免各營預備供應致滋擾累倘有絲毫苛累所屬弁兵者經朕察出定行從重議處欽此今臣荷蒙

聖恩署理天津總兵印務所有鎮屬將弁之賢否兵丁之勤惰以及汛防疎密軍裝全缺尚未周知若不

逐一清查辦理恐有未協臣擬即日自備盤費減從輕裝并嚴飭各營不許絲毫預備致滋擾累從天津起程由武清舊州采育至通州即進京仰覲天顏敬聆

聖訓再由拱極營涿州河間一帶巡察回署其東路各營汛俟明春再往巡察至鹽政總兵衙門事件除緊要者臣沿途辦理外其常行文移照例暫委運司暨中軍代拆代行關務委分司代理均無貽誤

臣謹繕摺具

奏伏祈

聖鑒批示遵行謹

奏

巡察乃職分內事所轄地方理應前往不必來京

雍正十一年十一月十七日長蘆巡鹽御史暫署

天津總兵官印務臣鄂禮謹

奏為奏明巡察營伍情形仰祈

睿鑒事竊臣於本年十月十九日自天津起程由武清
舊州采育通州拱極涿州河間并臣標右營所屬
之滄州青縣靜海一帶巡察於本月初十日回署
看得各協營汛兵丁技藝步箭鳥鎗藤牌陣勢咸
皆熟習惟馬箭半屬生疎當即嚴加告誡將優者
犒賞劣者責革以示勸懲至將弁中如通州協副
將蕭良金人材幹練營伍整齊署河間協副將宋
愛黽勉謹飭勤於訓練其餘遊擊都司守備千把

皆循分稱職惟采育營都司李現祥漢仗雖好技藝甚庸念該營弁兵尚屬習練從寬勒限一月令其學習再為調考如仍無進益即行揭叅又河間協右營守備師隆吉人甚庸懦不諳營務弓馬亦復生疎未便姑容致曠職守已揭報督提二臣核叅理合一併繕摺

奏明伏祈

聖鑒謹

奏

兵劣者革將庸者叅庶幾稍示勸懲所奏是直隸營伍廢弛已極總未經整理竭力勉為務令改觀

同日又

奏為奏明餘平飯食銀兩解部歸公事竊查鹽課奉撥部餉例有餘平飯食二項隨同搭解若係撥解外餉及本地支給則平飯銀兩自必存剩臣到任以來見山東運司屢次將餘銀報解而長蘆竝無

報聞隨面詢運司彭家屏據稱長蘆法馬向來較輕凡解餉之部費平飯係各商自往兌交每致不敷復行攤補是以歷欠各批短平至一萬九千餘兩之多掛批未掣遇撥外餉則將餘銀抵補部餉之不足等語夫錢糧出納乃運司責任解部平飯原係核定

奏明豈可諉諸商人致有虧短掛欠況今已奉部頒法馬內外畫一嗣後自無輕平抵補之事若將餘

剗銀兩仍留備用恐開將來冒銷侵蝕之端當即
諭令該司逐一清查去後茲據詳報前來臣查雍
正十年竝從前撥解外餉餘存平飯銀兩除抵補
歷年掛批短平現在解部以清積項外尚餘銀九
千一百五十二兩零今十一年分奉撥甘肅軍需
及天津水師營兵餉共計八十萬兩每萬兩除添
平補色解官盤費等項支用外尚餘銀二百五十
兩及二百九十兩不等共應餘銀二萬七百五十

兩連抵補短平餘剩通共實餘銀二萬九千九百
二兩理合

奏明解部歸公此後遇撥外餉即將所存平飯據實
報解庶庫項清晰而侵隱冒銷之弊可除矣臣謹
繕摺具

奏伏祈

聖鑒謹

奏

此議嘉是覽之但百凡處亦不可過於苛細搜求

雍正十二年正月初二日長蘆巡鹽御史暫署天

津總兵官印務臣鄂禮謹

奏為恭報瑞雪事雍正十二年正月初一日恭逢

元旦令節天津地方自本日未時起至初二日丑時

天降大雪入地三寸被潤澤而大豐美昭瑞采而

煥陽春洵屬農祥實符

聖德臣不勝懼忤為此繕摺奏

聞伏祈

皇上睿鑒謹

奏

觀汝此奏天津得雪分數比都城較少

雍正十二年正月二十四日長蘆巡鹽御史暫署

天津總兵官印務臣鄂禮謹

奏為請免道廳掛號之繁以便鹽運仍留應得養廉
之項以資辦公事竊查津鹽過關例應報明掛號

盤查驗放以杜夾帶行私此定制也向緣鹽臣駐
劄在京運司運同又復分駐滄青二處天津地方
竟無管鹽之大員是以將過關驗放之責委令天
津道及津軍同知分別掛號本屬權宜之計後鹽
臣與運司運同俱移駐天津凡有鹽船過關一一
盤查驗放稽察已屬周密而天津道與津軍同知
掛號之例仍相沿未改故鹽船抵關必須呈報各
衙門掛號停泊守候速則三五日開行遲則十數

日留頓不過按引收其公費竝無稽察實事殊於鹽政無補臣請自本年為始商船過關經鹽政衙門盤查驗放之後免其再赴道廳掛號至向納天津道公費二千兩津軍同知公費二千兩原係抵作養廉應仍留給以資辦公之用統歸運司一併徵收貯庫按季支給庶商人可免守候之累而道廳仍得養廉之資矣再查同知養廉數目與道員一例似無等次且覺過多而天津縣政務殷繁凡

緝私審理皆其責任原定養廉殊覺不敷請於同知養廉內撥出四百兩給與知縣以別等次用昭公溥臣為調劑鹽務起見冒昧陳

奏伏祈

睿鑒訓示遵行謹

奏

所奏是應移知該督并呈明該部可也

雍正十二年二月十七日長蘆巡鹽御史暫署天

津總兵官印務臣鄂禮謹

奏為奏

聞事竊臣於上年三月前赴山東秤掣引鹽時因暫署
津鎮印務起程之前曾具摺

奏明將鎮篆委令中軍暫行護理荷蒙

俞允欽遵在案今時當春季例應赴東秤掣俾各商得
以及時行鹽辦課所有天津總兵印務仍暫委中
軍遊擊孫志雄護理關務委青州分司孟周衍代

行臣即於月內起程往回不過一月政務俱可無誤除照例呈報戶兵二部外為此繕摺具

奏伏祈

聖鑒謹

奏

覽奏知道了仍咨呈該督提存察

欽定四庫全書

硃批諭旨
卷一百五十

硃批諭旨卷一百五十

欽定四庫全書

硃批諭旨卷一百五十一

硃批沈翼機奏摺

雍正二年九月十五日提督江西學政翰林院侍

讀學士

臣

沈翼機謹

奏為恭請

聖安事竊臣一介寒微叨沐

天恩命臣提督江西學政伏念

臣

才庸識淺膺斯重任

時深兢業早夜惶悚惟有凜遵

聖訓實心校士剔除積弊庶幾仰報

皇恩黽勉供職

臣瞻望

闕廷戀慕

聖主寤寐虔切為此恭具

奏摺敬請

聖安

臣謹

奏

欲端士習全在獎善黜邪虛文偽譽無益於事勉為之
張廷璐乃一榜樣也

雍正三年六月初十日提督江西學政翰林院侍

讀學士

臣沈翼機謹

奏為恭請

聖安事竊臣一介庸愚疊受

皇恩督學江右仰荷

聖諭欲端士習全在獎善黜邪虛文偽譽無益於事

訓勉周至

教誨諄切

臣

即駑駘下質亦知感激奮興務期恪遵

聖諭盡心考校實心懲勸黽勉供職

臣

望

闕瞻依寤寐虔切謹具摺恭請

聖安敬繳

批摺一件

臣謹

奏

知道了惟宜公正自持庶無忝厥職都中一切處黃緣

締交皆徒有害而無益也於此須要見透方好

欽定四庫全書

硃批諭旨
卷百五十一

硃批諭旨卷一百五十一

欽定四庫全書

硃批諭旨卷一百五十二

硃批景考祥奏摺

雍正三年五月初四日巡視臺灣監察御史臣景

考祥謹

奏為敬宣

敕旨據實回奏事竊臣面聆

聖訓著臣宣

諭總兵林亮臣於四月二十七日至臺之時因敬宣

皇上諭旨

諭臺灣總兵官林亮

皇上念爾功勞甚大知爾實心辦事地方安靜居官聲

名亦好

聖心甚是注念爾此後更要加意做好官凡爾所屬大小將官以及兵丁人等爾當著實教訓伊等倘有不
是處爾係將主當時時存公忠之心不可稍徇情面

伊等能遵爾之約束乃是守朝廷之法度務要人
小心謹慎安分盡職方不負

皇上委任封疆大臣體恤遠方將士之至意欽此該總
兵隨叩頭領

旨訖臣又向林亮云總鎮當即傳知各營將官以便回
覆

聖旨至五月初二日隨據總兵來文內開據本標各營
大小將官等呈稱職等蒙傳宣

聖諭跪聽之下咸知凜惕益加黽勉小心謹慎安分盡

職守

朝廷之法度聽將主之約束俱各實心遵行不敢違犯

合具欽遵呈覆臣謹備述緣由繕摺覆

旨謹

奏

知道了但務文武和衷安輯地方爾等果實力任事朕
之耳目自能周悉

雍正三年五月二十五日巡視臺灣監察御史臣
景考祥謹

奏恭請

皇上聖躬萬安

朕安所奏三摺俱悉閩鹽之奏甚屬可嘉此事朕已早
聞因其中備細尚有不確所以未經整理凡百咸能如
此據實無隱方為不負朕之任用也勉為之

雍正三年十二月二十八日巡視臺灣吏科給事

中補授福建運使臣景考祥謹

奏為恭謝

天恩敬陳下悃仰邀

聖鑒事竊臣一介庸愚至微極陋荷蒙

聖恩頻加委任自愧才識淺陋寸長未效茲於雍正三

年九月內復蒙

特旨補授福建運使協理鹽務臣聞

命之下感激彌深悚惕無已隨於十一月二十日自臺

灣起程十二月十五日到臣衙門任事訖謹循例
備文詳呈撫臣代為

題達恭謝

天恩竊念臣在臺灣半載訪察利弊尚多應行事宜謹
繕奏摺恭呈

御覽伏乞

皇上採擇俾得盡犬馬之微忱謹

奏

既用汝運使後方聞汝聲名不妥頗不安靜果若此殊
為大負朕恩矣慎之

硃批諭旨卷一百五十二

欽定四庫全書

御批諭旨卷一百五十三

御批舒喜奏摺

雍正七年五月初二日巡察直隸等處農務御史

臣舒喜謹

奏爲萬民歡欣感戴二麥豐茂情形仰祈

睿鑒事竊臣一介庸愚荷蒙

皇上鴻恩畀以直隸巡農重任自受事以來幾經兩月

於保定正定順德廣平大名五府之內已歷四十
餘州縣凡遇市集村莊暨鄉僻農民稠密之處臣
必將

皇上重農務本愛育羣黎之至意諄諄訓誨鄉民盡皆
歡躍伏地叩頭齊聲呼佛頂祝

皇上萬壽無疆今年春季雨潤風和二麥暢茂將次納
場豐收可必其餘高粱豆穀等項俱各一望青蔥
至於新開水田阡陌成行溝洫流通目下將近栽

插臣已再三勸民及時耕耨毋惰農功又復誠飭
州縣勤加督率矣其未到州縣俟臣次第查閱多
方勸課冀小民悉盡力東作收效西成以仰報

皇上簡任微臣之恩於萬一耳謹先將萬民歡忻感戴
暨二麥將登情形具摺奏

聞伏乞

皇上睿鑒謹

奏

覽奏知道了但凡百處不可欺飾

雍正七年六月初四日巡察直隸等處農務御史

臣舒喜謹

奏爲請建倉房以免積穀霉爛以杜規避交盤事竊

臣職司勸農分外之事何敢更叅末議但州縣官吏以地畝錢糧倉穀皆農務所自出無不列冊申送到臣臣因得以勸課之暇細爲查閱所過六十餘州縣內倉穀存貯多寡不等而其中最易於

霉爛最難於交盤者未有如廣平府所屬之清河縣也查該縣各項存貯之穀通共四萬四千八百三十九石之多而倉房則僅十間止容穀一萬二千石其餘則土囤四十六所民房十二所祠廟二所俱各散處不倫看守甚難兼之地形卑濕易於霉爛是以歷來接任各官寧甘受交盤規避之處分而冀免日後霉爛之貽累臣思倉穀原以備賑所關甚重仰懇

皇上敕下地方官吏擇縣中高燥之處創建倉房數十間將四散之穀總歸一處則看守既易霉爛可免有司之交盤自無規避之弊矣臣謹具摺奏聞伏乞

皇上睿鑒施行謹

奏

該督唐執玉察明具奏

雍正七年七月初四日巡察直隸等處農務御史

臣舒喜謹

奏爲特叅受賄濫派之員以抒民怨以肅吏治事竊
臣於六月十八日巡至河間府獻縣地方見百姓
百餘人遮道喊冤口稟河衙主簿王永任受賄違
例濫派民夫有錢者免無錢者拏正值農忙籤票
疊差乞救民命等語臣當即以好言解散面囑知
縣李思鄴細查的實情由速即詳覆臣於二十三
日巡至寧津縣乃獻縣詳文未到而鄉民呂世恩

等十餘人復追至二百里之外具呈哀訴據詞內稱獻縣有漳河洋河二水築堤一道以禦水災舊例額設淺夫挑濬頂堤地主修堤不煩衆力固各司其事各安其業者也今河衙王主簿私受頂堤地主王進才劉順廷制錢八千濫派合縣百姓修築以致小民地畝拋荒棄家逃避等情臣於二十九日巡至河間府查得康熙五十三年小民亦因派夫不公紛紛呈告總督批示悉照舊遵行不得

擅派鄉民於五十五年建碑在府衙之外乃主簿
王永任不遵舊例竟敢受贓私派似此貪婪不肖
之員相應叅處以肅吏治者也再防河堤工自應
每歲興修以堵水患臣請

皇上敕下督臣嚴飭管河官吏遇修築之時悉依舊例
禁止濫派則百姓自無怨尤後之司事者亦不敢
再爲更變矣臣謹具摺奏

聞伏乞

皇上睿鑒施行謹

奏

該部嚴察議奏

同日又

奏爲恭報秋禾豐茂萬民歡悅事竊臣自任事以來
已歷八十餘州縣矣前五月內雨水尚少今於六
月初二日起至初八初九日止各州縣俱申報四
境雨水霑足臣巡行得雨地方遍野秋禾豐茂異

常萬民歡欣載道臣下馬勸農百姓向臣云民等

叨蒙

萬歲洪福現今時雨下沛將來秋苗可望十分收穫等

語臣復將

皇上宵旰精勤時切民瘼之意反復誠諭爾等果能戒
率子弟務本力農不致游手好閒以仰體

皇上愛民如子之心則感召所致自必歲登大有永享
太平之樂於無既矣鄉民皆點首會意臣謹將秋

禾豐茂萬民歡悅情形具摺奏

聞謹

奏

秋禾雖云現在豐茂屆收穫之期尚早何遂預定十分多此一番瀆奏也

同日又

奏為縣令屢更吏治闡茸非老成練達之員難以整理事竊臣巡至順德府屬之唐山縣問以八品頂

帶之老農行來已經多年何以尚無一名據知縣
趙杲稟稱唐山縣自雍正三年七月起至雍正七
年五月四年之內中間陞任調補叅革署事之員
共換過十一人任事不過半年三月縣中錢穀民
詞甚繁是以未暇議及保舉老農之事臣思歲舉
老農乃

國家曠典司事者尚且因循怠忽則凡事之廢弛不
問可知矣臣訪得邑中錢穀虧空不清百姓刁頑

健訟現任知縣趙杲臣視其年紀尚輕又且筮仕方始未經歷練恐不能勝此繁劇之任臣請

皇上敕下督臣揀一精明歷練才猷素著之員調補此縣庶廢者可舉頑者知儆錢糧倉穀亦得清結矣臣不揣愚陋謹具摺奏

聞伏乞

皇上睿鑒施行謹

奏

據奏該邑於四年之內已換過十一人等語今若又將趙杲改移則係十二人矣思之

雍正八年四月十六日巡察直隸等處農務御史

臣舒喜謹

奏爲恭報二麥豐茂萬民歡悅情形仰祈

睿鑒事竊臣荷蒙

皇上鴻恩再任巡農直省愈增感激之心倍切報效之志於四月初間巡至大名府屬州縣鄉民告臣今

年麥子被二月二十五日一晝夜風霜侵損第二
日天晴起視皆葉捲支垂間有幾至枯槁者民等
甚為憂慮忽以三月初旬連得和風暢雨不幾日
而向之支垂葉捲者暢茂條達幾至枯槁者徧發
新支大長麥穗此皆

萬歲愛民之心切故有默佑之者使枯黃之麥復生豐
茂之穗民等不勝歡幸之至續又據大名府魏縣
申報亦同前由臣訪得順德廣平大名三府州縣

百姓每歲惟仗二麥豐收以為賦稅養育之需故
地畝之種二麥者十居八九自風霜侵損之後諸
穀之價值日增今者雨順風調麥穗足實市價仍
舊和平百姓歡聲載道目下將次收割豐登實可
預期此誠

國家之上瑞黎民之大慶也理合據實奏

聞伏乞

皇上睿鑒謹

奏

覽奏二麥豐茂情形知道了

所奏老農一摺交部議矣

雍正八年六月十三日巡察直隸等處農務御史

臣舒喜謹

奏爲功績及人深遠士民感激靡涯懇請

上達以伸情悃以誌不忘事竊臣於六月初八日接得

順德府詳據署任縣知縣王廷棟詳稱任縣闔邑

士民趙懷玠等呈稱任邑東北有大陸澤爲沙洛
馬泰等十七水之滙而以澧河爲渠由穆家口而
隆平而寧晉下達天津水有所歸任不受害自澧
河塞而大陸之水遂有蓄無洩沒民田千有餘頃
自元時至

本朝康熙年間雖有開導澧河之議民心未一民力
未濟以故任境內四十餘村千百年來瀰漫汪洋
公私甚苦欽惟我

皇上如天好生軫念民瘼

特命怡親王省視河防量度築濬我王仁慈明敏勤宣
德意雍正三年抵任境問民疾苦親詣踏勘察諸流之
源委相地勢之高下爰赴

闕請

命發帑金二萬餘兩於四月興工挖河自穆家口橋北
起至寧晉縣界袤延四十餘里為民興利迨功成
而大陸作不特附近村莊永無被水之虞即豁免

之田可以漸次墾種者且二百六十餘頃矣玠等竊謂我王盛德獲福方興未艾孰知勤勞成證至今歲仲夏而不諱也耶棠陰方茂天問無從感激涕零情何能已禮曰法施於民則祀之能捍大患禦大災者則祀之玠等不揣愚昧意欲卜地建祠春秋享祀以畧申報本之微誠以稍酬深仁於萬一特以

天潢之尊理合請

命不敢擅便伏乞轉申懇

題俯遂愚忱俟工竣之日再行恭請

宸翰匾額對聯以昭誠敬俾

聖朝之盛典遐彰而賢王之懋績永著矣為此銜哀上

呈等情到縣詳府轉詳到臣臣不敢壅於上

聞謹據實繕摺具

奏伏乞

皇上睿鑒施行謹

奏

交該部議覆候旨遵行

雍正九年四月二十二日巡察直隸等處農務御史臣舒喜謹

奏為敬陳被水州縣民地情形仰祈

睿鑒事竊臣奉

命巡農自二月十二日出京以順德廣平大名三府去年偶被水災恐有積水未消耕稼未徧之所因而

先行巡視凡過州縣被水村莊務必繞道查驗第
見青黃滿目高下徧栽百姓安堵惟巡至大名府
屬長垣縣境見一路扶老携幼紛紛投縣者絡繹
不絕臣駐馬詢問據稱我等俱係垣邑百姓縣中
現在施粥來此就食臣卽查問邑令我

皇上發帑賑濟未久何得又有此等窮民縣官稟稱舊
年散賑止將朝不謀夕窮民註冊給發其外有兩
三月口食之家不曾散給今者餘糧告匱青黃未

接因邑中紳衿捐穀施粥所以咸來就食等語臣
隨將垣邑貧民情景移咨總督總督亦於臣移未
到之先訪知垣邑有乏食貧民差人捐銀資助今
又見臣移咨到時自必加意撫恤諒垣邑貧民決
不至於失所也再今四月初七日起至十二日順
廣大三府各州縣申報得雨分寸四境沾足將來
二麥豐收藏穀之家盡皆糶賣米價自必頓減茲
臣於四月二十日順廣大各州縣俱已巡遍理合

先將三府民地情形具摺陳

奏伏乞

皇上睿鑒施行謹

奏

觀汝所奏大似偏於粉飾

雍正九年五月十五日巡察直隸等處農務御史

臣舒喜謹

奏為敬陳因地制宜以資民用仰祈

睿鑒事竊臣巡至順德府唐山縣境見周圍數里間有
浮沙地數百餘頃竝無種作因詢鄉民如何不行
播種任其荒蕪據云此地浮沙衝壓已久人力難
施不能種植五穀若刨開浮沙亦可栽插榆柳以
收地利但繫官土所以無人敢種任其荒蕪等語
臣仰體

皇上重農務本愛育羣黎至意細察此地實繫沙磧不
堪五穀然與其拘為官土任其廢棄何如因地制

宜收其利用況以公家之曠土佐閭閻之謀生甚為有益懇請

皇上敕地方官凡有沙磧官地如唐山縣者俱各造冊申報除內中人力可施稍堪種五穀者仍勸民樹藝五穀照例報查外餘則文明畝數給付附近村莊願開種樹木之居民令其管業種植將十年之後斧斤可施材木可用倘或土性相宜可以栽培菓木則落實取英於民更為利益矣臣管見如斯

謹具摺陳

奏伏乞

皇上睿鑒施行謹

奏

該部議奏

雍正九年七月初一日巡察直隸等處農務御史

臣舒喜謹

奏爲奏

聞事竊臣巡至河西務地方訪得六月十九日正值會集之期四鄉居民貿易甚盛不謂有修築河堤工徒齊聚數十人攔阻運河同知程恂於集上需索修堤工價拉住馬鐐圍繞喧鬧觀者如堵叅將馬國奇聞知即帶守備等員至集彈壓方行解散臣思河西務一帶堤岸歲歲興修工役頗多從未聞夫役敢如此肆行無忌者今此之舉實所罕聞如實係散給工價不清致起釁端則責有攸歸若係

刁徒故意凌辱官員則風不可長臣職司言路訪
聞既確不敢默而不言謹具摺陳

奏伏乞

皇上睿鑒施行謹

奏

朕已聞之業差原辦此工之大臣前往察究矣

雍正九年八月二十九日巡察直隸等處農務御

史臣舒喜謹

奏為敬陳管見仰祈

睿鑒事竊直省去年被水州縣荷蒙

皇上鴻恩發帑賑濟民慶安全而又以秋成淺薄糧價
昂貴

命直省州縣概行減價糶賣倉穀以裕民食准部議凡
州縣存貯倉穀五六萬石者糶三存七若一萬石
以內者糶五留五至存穀最少不敷糶賣之處於
隣近穀多州縣通融酌撥補賣所得價值交貯司

庫俟辛亥年秋收之後領回原價買補等因在案
不料今年五六兩月雨水缺少穀價昂長六月二
十以後始得甘霖時沛早種之穀似可無憂而晚
植之穀不無稍嫌其遲恐將來穀價未必能即時
平定若秋成後各州縣謹遵部議不論價值貴賤
務必買足方已則穀價又必分外加長矣據臣愚
見除今年秋收豐厚穀價平減之州縣聽其自行
買補再存貯倉穀僅四五千石之州縣又經糶五

之後爲數太少似應亦就今秋買補外至向來積貯五六萬石一二萬石之州縣所賣不過三分現存二三萬石一萬餘石在倉不爲無備倘可暫停採買俟壬子年秋書大有之後買補還倉或今年先買一半明歲再買一半補足原額則穀價不致甚貴而貧民更沐

皇仁於無既矣臣管見如斯是否可伏乞

聖裁謹

奏

言之該督酌量而行

同日又

奏爲恭請移駐兼轄之員以資彈壓以重地方事竊
臣巡至宣化府屬之沙城地方見地當孔道城連
三座中分界限東屬懷來縣管轄西屬保安州管
轄居民商賈稠密繁雜其中非但無大員彈壓即
一巡檢把總亦未曾有倘稽察無人或宵小之輩

見地方殷實潛行偷竊懷來保安相隔五六十里均屬鞭長莫及難以照應臣查得沙城西去二十里有新保安城內設叅將一員守備千把等弁又設同知一員兼轄沙城事理夫當年設官分職自必就地方之形勢人民之衆寡以定而時地前後不同戶口日增蕃庶就今日之沙城而言則遠勝於保安多矣乃保安則文武多員而沙城則微末全無臣思保安同知既可駐劄保安兼管沙城亦

可駐劄沙城兼理保安況查沙城中堡舊有察院
廢址今雖改為義學畧一整頓可為衙署懇請

皇上敕下督臣即將保安同知移駐沙城以資彈壓則
巡緝有人而盜竊皆知儆惕此不必設官添役糜
費公帑一轉移間似於地方民事大有裨益矣臣
為慎重地方起見謹具摺

奏請伏乞

皇上睿鑒施行謹

奏

此事亦言之於督臣唐執玉

雍正九年九月二十六日巡察直隸等處農務御
史臣舒喜謹

奏爲恭報嘉禾獻瑞闔邑歡慶仰祈

睿鑒事竊臣於九月十八日接得永平府昌黎縣詳稱
邑內四境秋禾俱實有九分十分收成有農民王
廷佐等詞稱刈穫高粱得一莖四穗及五穗甚有

至六穗者佐年六十五歲實平生之所未見此皆
萬歲愛民之所感召不勝欣喜呈驗為此謹加收貯在
縣等情臣於本月二十一日到昌黎縣知縣劉玉
林將四穗高粱四株五穗者二株六穗者二株呈
驗臣恐此係常有之事因召鄉民農官等至署詢
問俱云從未經見臣自昌黎起程歷巡樂亭灤州
等處一路細詢鄉民耆老皆云非特目不曾見抑
且耳未曾聞等語欽惟我

皇上重農務本敬

天勤民今者嘉禾獻瑞於昌黎闔邑欣傳爲上瑞臣旣經
目睹且訪問再三異口同聲咸稱罕見臣不敢壅
於上

聞謹據實具

奏再各府州縣申報秋成分數因臣行蹤無定一時
難以取齊容臣回京另摺陳

奏合併聲明伏乞

皇上睿鑒謹

奏

據奏昌邑嘉禾知道了爾於回京時攜帶數株呈覽

雍正十年五月二十七日巡察直隸等處農務侍

郎臣舒喜謹

奏爲請

旨事竊臣奉

命巡農歷經三次向遵

諭旨於二三月間出京巡察農務九十月內回京復

命今蒙

皇上天恩特陞禮部侍郎之職伏思巡農雖屬要務而

部案尤爲重大臣冒昧請

旨伏乞

皇上另差巡農之員

命臣回京恭聆

聖訓學辦部務勉竭犬馬之勞報

天恩於罔極謹具摺請

旨伏乞

聖裁謹

奏

覽奏知道了巡農事畢然後回京赴部可也

雍正十年六月十七日巡察直隸等處農務侍郎

臣舒喜謹

奏爲秋禾豐茂情形據實陳奏仰祈

睿鑒事竊臣奉

命巡農自五月間至今巡行保定正定河間等處地方
甘霖時沛各處均霑穀子高粱俱已發穗吐華其
餘晚種雜糧等項亦皆蔚秀可觀又據各府州縣
將得雨日期絡繹申報俱稱霑足臣巡行數載未
有如今歲秋禾之豐茂也徧野農民靡不歡呼預
慶咸稱如此風雨常調今歲豐收可保伏思我
皇上愛養黎元時以農務爲心故敢冒昧先將此時目

擊豐茂情形與百姓歡慶景象據實陳

奏容臣次第巡遍再俟收割之候另將收成分數具

摺奏

聞伏乞

皇上睿鑒謹

奏

以手加額覽焉

小批諭旨卷一百五十三

欽定四庫全書

硃批諭旨卷一百五十四

硃批葛森奏摺

雍正五年六月初七日江安糧道臣葛森謹

奏竊臣至愚極陋荷蒙

皇上天恩逾格超擢

簡任糧道感沐

洪仁夙夜冰兢惟有矢忠矢慎勉竭駑駘仰報

聖恩於萬一臣自本年四月初八日到任迄今方及兩月其一切事宜尚未深知容臣查確再爲另

奏茲交代錢糧冊內查得前任糧道馬世炘有接受前道王希舜動給未還并本任內透支墊給預借各項共銀五萬七千九百六十餘兩米二百一十三石零雖有借支領結尚可追抵之項竝非盡屬無着但現今交盤倉庫已非實在交收至現在交收存庫銀四十四萬八千四百餘兩馬世炘未經

解部將來起解每千應有飯銀十兩添平銀三十
二三兩約共需銀一萬九千餘兩臣向馬世炘催
交據稱前任竝無交下之語馬世炘當日亦未詳
明着落從前經收之員以致懸項但飯銀添平係
解部必需之項臣何能代為賠墊只得一并揭報
總督巡撫現候批示再查糧道倉內有捐監還漕
米二萬八千五百八石零經督撫題明奉

旨准發蘇州松江太倉三府州屬減價平糶臣現在按

數給發所有馬世烜任內那移未清款項臣謹另

單臚列恭呈

御覽伏乞

皇上睿鑒謹

奏

理應代催完項者毋得苛刻若與例不符徇情欺隱之
款豈可代人認過馬世烜猶可王希舜貪贓已甚萬難
寬宥然馬世烜聰明人也交代之際王希舜若不以利

動之亦焉肯甘爲徇隱百凡總以東公處之

雍正五年八月十六日江安糧道臣葛森謹

奏爲恭繳

硃批叩謝

天恩事竊臣至微至賤荷蒙

皇上格外洪仁起用糧道感戴

聖恩夙夜惶悚茲於八月十四日跪接

硃批諭旨當即望

闕叩頭謝

恩捧讀之下仰見

聖諭明切周詳無微不至臣何人斯得蒙

皇上硃批教訓感激難名銜結無既惟有凜遵

諭旨不敢苛刻亦不敢徇隱矢公矢慎實心奉行以仰

答

高厚於萬一耳爲此繕摺叩謝

天恩所有奉到

硃批諭旨理合一併恭繳伏祈

皇上睿鑒謹

奏

朕觀旗籍人員大都不可臨財每利令智昏身家性命皆有所罔顧不知無恥習氣何至於此汝於操守二字極宜加勉保全滿洲顏面爲要如博濟等非前車之戒乎從來貪夫徇利未有不害及其身者當彼營求之際孳孳不倦亦豈知正所以買禍也言之殊堪憫惻可

惜父母生育之身可惜君上成全之德可惜半世功名
千百年人物區區銅臭寧足相抵且又弗克受享則亦
何所爲而樂此不爲疲耶能於此一節把持得定其餘
保汝皆堪從容造就勉之勉之

雍正五年九月二十八日江安糧道

臣葛森謹

奏爲恭繳

硃批叩謝

天恩事竊臣於本年九月二十五日跪接

硃批諭旨當即望

闕叩頭謝

恩敬讀之下感蒙

聖訓周詳懇切操守二字

垂誡再三臣自思何等之人得蒙

皇上恩旨頻頒

硃批屢降讀至可惜父母生育之身可惜

君上成全之德可惜半世功名千百年人物之

諭旨即天地亦未有如此生成父母亦未有如此顧復
聖意宏深期在遠大臣感激難名銜結無既滿洲顏面
應當保全臣雖愚如草木亦當省悟伏思才幹原
由生成操守乃可自主臣感沐

皇上教訓惟有潔已勵操竭力遵行以仰答

聖恩於萬一耳謹將奉到

硃批諭旨繕摺恭繳伏祈

睿鑒謹

奏

言之易行之難凡事固由勉強而後臻於自然然勉於一時易勉於久遠難必須時時省察事事體驗見理明透立志剛堅方不被物欲所囿以致虧節失度提起一腔血性鼓動丈夫氣槩漸次自有得力處也

雍正五年十一月二十二日江安糧道

臣葛森謹

奏爲恭繳

硃批叩謝

天恩事

臣於本年十一月十一日跪接

硃批諭旨當卽望

闕叩頭謝

恩敬誦

聖訓廣大精詳無所不該伏思行不逮言卽爲浮辭終不如始卽爲改操伏讀

恩訓勉臣以言之易行之難勉於一時易勉於久遠難聖意宏深造就之心期在遠大及讀至時時省察事事

體驗見理明透立志剛堅方不被物欲所囿以致虧節失度

聖言涵蓋并包萬有矣更讀至提起一腔血性鼓動丈夫氣槩漸次自有得力處

教誨之中寓有誘掖周詳懇至反覆叮嚀天地生成父母教育未有如此臣何人斯得蒙

恩訓屢降感激無地夙夜凜遵臣本屬至愚何能到自然地位惟期言行相顧不使操守二字徒託空言

始終不渝勉力奉行以仰報

聖主教訓隆恩於萬一臣謹繕摺

奏謝所有奉到

硃批理合恭繳謹

奏

仰遵前諭加勉可也至於言行相符與否斷難逃朕耳

目

雍正六年正月二十四日江安糧道臣葛森謹

奏爲叩謝

天恩恭繳

硃批事雍正六年正月二十日

臣跪接

硃批諭旨竝

欽賜福字當卽恭設香案望

闕叩頭謝

恩祇領訖伏念臣至微極賤毫無報效荷蒙

皇上不次擢用已屬逾分又蒙

告誠屢頒

宸翰寵錫臣何等之人叨受

格外洪恩深重至此欣忭惶悚一時交集惟有凜遵

訓旨竭盡駑駘朝夕警惕勉副

皇上日月明鑒仰答

高厚於萬一耳爲此繕摺叩謝

天恩所有奉到

硃批合併恭繳謹

奏

寵錫之加固在朕躬能否永遠承受則在於爾也諸凡
慎之

雍正六年十一月二十八日山西按察使臣葛森
謹

奏爲恭謝

天恩叩請

陛見敬聆

聖訓事竊臣蒙

皇上恩簡江安糧道自雍正五年四月內到任以來歷今一載有餘涓埃未報捫心自問悚惶無措茲又荷

聖主隆恩將臣陞授山西按察使聞

命自天慚懼無地伏念臬司一官爲通省刑名總滙務俾盜息民安刑清政肅始能無負

皇上任使至意若不仰懇

聖恩賜以

訓旨臣雖殫竭駑駘總不能免於貽誤伏乞

皇上垂念臣知識短淺外任未久俯容將經手錢糧交代清楚之後星馳赴

闕叩請

聖訓庶仰體祇遵不特臣得免隕越而晉省官民亦共沐

皇恩於無既矣理合繕摺

奏請仰祈

聖鑒爲此謹

奏

允爾所請到京聆朕訓旨然後再赴新任

雍正七年五月初十日山西按察使

臣葛森謹

奏爲欽奉

上諭事本年五月初九日臣奉總督范時繹牌行准部

文內開奉

旨西安軍需錢糧着倉場侍郎劉于義山西按察使葛
森前往清查核算欽此欽遵當即恭設香案望

闕叩頭謝

恩訖伏念臣一介卑微毫無知識荷蒙

皇上天恩屢次超擢有加無已每逢

命下輒自慚汗無措今復降

恩旨令臣協同倉場侍郎劉于義前往清核西安軍需

錢糧拜

命之日惶悚益深惟有敬凜遵奉竭盡駑駘以仰副
皇上任使至意但臣自應即刻赴

闕恭請

聖訓因有經手糧道任內倉庫錢糧除庫項業已交與
署道張暲樞查收外所有存倉稻穀五萬九千一
百餘石尚未盤量但此項穀石貯倉將及兩載不
無氣頭廩底未免略有折耗若俟署道逐一盤量
必致濡滯時日倉穀關係重大臣何敢忽略現在

呈請督撫委員公同監掣如有折耗照數按補臣
又將糧道任內所得收放羨餘銀兩留存道庫以
備買補折耗一俟督撫批准臣即兼程赴

闕請

訓爲此繕摺奏

聞謹

奏

今差汝赴陝查核軍需錢糧斯乃大案也總以秉公得

當爲要倘或徇庇寬縱以及瞻顧因循抑或深刻搜求
至於拖累無辜均屬不可汝身之見重見棄於朕即在
此舉莫負一番特恩委任莫誤半生事業功名慎爲之
毋忽

雍正七年十二月十五日辦理噶斯軍需甘肅布
政使臣葛森吏部郎中臣鼐滿岱刑部郎中臣福
寧謹

奏爲請

旨事竊臣等奉

旨辦理噶斯軍需事務俱關動用錢糧干係甚重須以印信爲憑伏懇

皇上可否

准給關防一顆將來文移往來始有憑據俟事竣之後恭繳禮部再臣等查得自肅州至京程途稍遠軍需緊要若雇兼程脚騾往返甚需時日難免遲滯臣等仰祈

聖恩嗣後奏摺可否

准於驛馬飛齎則事無遲誤而於軍需亦屬有益矣爲
此繕摺請

旨伏乞

皇上睿鑒施行謹

奏

已有旨矣張廷棟亦曾奏過汝等前此請將驛頭更換
西路大兵馬匹移爲噶斯軍需之用何荒唐至於此極

有如是輕重倒置之理乎另有旨諭部

雍正八年三月十七日辦理噶斯軍需甘肅布政使臣葛森西安布政使臣張廷棟吏部郎中臣鼐滿岱刑部郎中臣福寧謹

奏爲奏

聞事竊噶斯軍需臣等一切遵照部文敬謹辦理去歲因天寒草枯之際新買之馬恐急切不能臚壯冒昧

奏請欲買騾頭易換大兵馱載馬匹又欲暫撥營馬

蒙

皇上訓誨諄切指示詳明臣等無任惶恐驚懼又蒙

皇上將出京之兵寬期月餘其應需馬匹臣等隨卽在

於寧夏洮岷西寧井口外蒙古扎薩克各地方分

頭採買自正月二十五日起至三月十五日止照

依時價自五六兩至十一二兩不等陸續買獲正

餘馬共一千一百三十匹俱已收槽餵養臣等現

在親身不時督察加意飼餽而天氣融和計京兵
誤後試看到寧之時馬匹自可無誤至臣等冒昧陳

奏蒙

皇上不卽處分

格外寬宥惟有勉竭駑駘不勤慎試看勤慎辦理以圖仰報

高厚於萬一謹此繕摺奏

聞謹

奏

將緊要處應用馬匹而欲撥換於閒處備用汝等昧於輕重之識見可知將他人辦就之事而欲移爲己益汝等徇於偏私之念慮可見一生爲人居心被朕輕鄙而毫不愧悔但以未加處分爲幸汝等寡廉鮮恥之胸懷更可笑矣汝等雖猶靦顏強爲摺奏朕批諭之際殊覺筆毫澁滯也

雍正九年六月初四日雲南布政使臣葛森謹
奏爲恭謝

天恩事雍正九年五月二十九日奉雲南巡撫牌准刑部咨爲羣盜劫掠事案內因臣署江蘇布政使有盜犯沈聖文改名沈章曾爲司差不能查出部議降二級調用奉

旨葛森著降二級從寬留任欽此臣隨即恭設香案望闕叩頭謝

恩訖伏念臣至愚極陋荷蒙

皇上天恩歷擢至司道於地方姦匪理宜嚴加稽察前

因署江藩任內不能稽查周密致爲衙役欺蒙疎忽之罪實難辭責乃蒙

皇上高厚洪慈矜憐愚昧從寬留任跪讀

綸音感愧無地臣本屬庸闇今調補雲南布政使將近果能心悅誠服愧已往之私衷慕當前之景行效法鄂

爾泰之志以立志則將來亦必爲鄂爾泰一體

國教導屬員無不周詳剴切臣蒙其訓誨非但有增若弗克內企其心而欲外企其人無是理也雖然此亦

看爾祖宗積德何如并爾之福量何如非矯強可及之聖恩寬大惟有益加精勤不敢稍有疎怠竭力致身務

事

期夙夜補過仰圖報效

洪恩於萬一耳所有感激微忱理合具摺

奏謝伏乞

睿鑒謹

奏

覽

同日又

奏爲奏

聞事竊查滇省地方今歲自春徂夏雨暘時若據各府屬所報豆麥收成實有十二分十分八九分不等通省高低田地徧行栽插竝蚤蕎雜糧無不茂盛近來闔省米糧價值較之往年平減漢夷歡騰軍民忭舞此皆我

皇上敬

天勤民感召所致也理合具摺奏

聞仰慰

聖懷謹

奏

覽

路途遙遠既無緊要應奏事件何必徒勞往返爲塞責之舉若借此欲以挾制上司恐嚇屬員則尤屬不可誌之汝庸才也惟務實行做好官是乃良圖若勉強舞才具弄聰明非長策矣勉力效法鄂爾泰居心可也

雍正九年八月十九日雲南布政使臣葛森謹

奏爲奏

聞事竊查烏蒙新改之昭通府自兵燹之後田地荒蕪
米價昂貴凡安插之殘黎招來之農賈俱給田地
各與籽種并於大關壩等處隙地委員採買蕎種
督率耕種以望秋收又撥米糧減價平糶接濟民
食今於七月內據昭通東川二府稟稱昭通府之
稻田壩八仙海等處并魯甸各寨以及東川巧家
等處去歲夷人種過蕎地今年並未耕種忽從舊

根發生新蕎俱甚茂盛與本年新種者無二漢夷
歡騰米價大減又六月二十八日八仙海稻田壩
等處禾苗忽生赤虫蠶食稻葉忽有飛來烏鴉將
赤虫食盡稻苗竝無傷損等語臣思蕎自天生虫
爲鳥食實見所未見聞所未聞此皆我

皇上欽若之誠感召

天恩所致而臣懼忤之下愈深敝惕悚惶再滇省地方今
歲自春徂夏雨暘時若至六月間數次大雨山水

暴發以致雲南曲靖二府之昆明宜良尋甸州馬
龍州陸涼州等處所有低窪田地略被水淹間有
倒塌牆房當即委員查勘以闔縣而論俱不及百
分之一但被水本戶偶值歉收未免缺望督臣鄂
爾泰撫臣張允隨仰體

聖主軫念民瘼之至意經委迤東道遲維璽前往將倒
塌房屋牆垣之家逐一酌賞并將被淹田地查明
數目按戶賑恤現俱得所其餘各處高下田地俱

極茂盛近來省城與各處米價較之往年甚是平減爲此繕摺奏

聞謹

奏

覽

汝等司道不過奉行承辦非有專主之責似此督撫例應奏聞事件遙遙萬里差人齎摺前來不知汝具何心思也可謂愚昧率妄之至

雍正十年六月十六日雲南布政使臣葛森謹

奏爲奏

聞事雍正十年六月初三初四等日據普洱府分防思
茅通判朱繡暨元江府知府祝宏將普思一帶苦
葱聚衆不法情形各通報到臣查普洱府分防
思茅所屬蠻壩河蝙蝠洞訛傳緬僧爲神仙思茅
苦葱羣相拜賀遂有土把總刀興國等暗行勾結
謀爲悖叛攻圍思茅城池復鼓脅夷民劫掠村寨

燒燬塘房蔓至普洱接界元江地方驚擾新平威遠鎮沅邊界并阻截道路致攸樂爲思普所隔至今信息不通經署督臣高其倬撫臣張允隨聞報當即會商飛調官兵於六月初四日即委護普洱鎮副將李宗膺遊擊王先韓雯鵬等帶領官兵由元江一路進剿又調臨元鎮總兵董芳爲總統帶領官兵於六月初九日星赴元江援應前後共調迤東官兵三千二百名土兵四百名俱由元江一

路聽總兵董芳調遣進勦兼顧新平當又飛咨雲南提臣蔡成貴酌派迤西兵數百名兼程先往繼又飛咨提臣再撥迤西官兵二千名俱由景東一路直入普洱攻勦兼顧鎮沅威遠并援思茅攸樂在案現今大兵雲集東西兩路攻勦料此小醜不

難剋日撲滅惟是臣叨蒙

杜患

未形豈汝所能殊屬大言不慚

聖恩畀以藩司重任不能杜患於未形以致兇頑悖逆

虛浮不實之語

負罪深重悚惕靡寧至軍需一切事宜查照進勦

烏東之例竭力辦理不敢稍有遲誤其運糧等項
仰體

皇上懷惜黎元至意俱給以腳價竝採買騾馬分運軍
糧以紓民力理合繕摺奏

聞伏乞

睿鑒謹

奏

覽

硃批諭旨卷一百五十四